

ACTA NÚMERO: 35/2024

ACTA DA REUNIÓN DA MESA DE CONTRATACIÓN DO DÍA 17 DE OUTUBRO DE 2024.

Na sala de comisións do Pazo Provincial sendo as 10 horas do día 17 de outubro de 2024 reúnense os membros da Mesa de Contratación que a continuación se relacionan:

Presidenta: D María Pilar Ramallo Vázquez, Deputada do Grupo Provincial do Partido Popular.

Vogais da Mesa de Contratación:

- D. Carlos Cuadrado Romay, Secretario da Deputación.
- D. Antonio Graña Gómez, Interventor da Deputación.
- D. Jaime David Ruibal de Sola, Xefe de Sección de Proxectos do Servizo de Infraestruturas e Vías Provinciais.
- D. José Antonio Gulías Varela, Técnico de Xestión do Servizo de Contratación, Facenda e Patrimonio.
- Dona Yolanda Lois Peón, Técnica de Xestión Documental do Servizo de Contratación, Facenda e Patrimonio

Secretario: D. Pablo Montero Carrera, Xefe do Servizo de Contratación, Facenda e Patrimonio.

ORDE DO DÍA:

1. *Aprobación da acta da reunión anterior correspondente ao día 10 de outubro de 2024 (Reunión 34/2024).*
2. *Dar conta da oferta presentada pola Federación Galega de Ciclismo (CIF: G36644870), no procedemento negociado sen publicidade e con exclusividade tramitado para a contratación do patrocinio deportivo do Campionato Europeo de Ciclocrós 2024. (Expte.- 2024057008).*
3. *Apertura electrónica dos sobres "A", correspondente a documentación administrativa presentada polas empresas interesadas en participar no procedemento restrinxido convocado para a adjudicación do Acordo marco que regulará a contratación do servizo de asistencia, asesoramento, defensa letrada e representación en xuízo da Deputación de Pontevedra e do Consorcio Provincial para a prestación do servizo contra incendios e salvamento, no eido de recursos humanos, emprego público e patrimonio. (Expte.- 2024036049).*

Non asisten os vogais permanentes da Mesa de Contratación, Dona María Ortega Iñarrea, Deputada do grupo provincial do BNG, Don Gregorio Luís Agís Gómez, Deputado do Grupo Provincial do PSdeG e D. Gabriel Rodríguez Alonso, Xefe do Servizo de Asistencia Intermunicipal.

Declarada aberta a reunión da Mesa de Contratación de orde da Presidenta, os asistentes manifestan que non teñen directa ou indirectamente un interese financeiro, económico ou persoal que comprometa a súa imparcialidade e independencia sobre os asuntos que figuran na orde do día.

1. ***Aprobación da acta da reunión anterior correspondente ao día 10 de outubro de 2024 (Reunión 34/2024).***



Os membros que forman parte da Mesa de Contratación que estiveron presentes na reunión votan a favor da aprobación da acta da reunión anterior correspondente ao día 10 de outubro de 2024 (Reunión 34/2024).

2. *Dar conta da oferta presentada pola Federación Galega de Ciclismo (CIF: G36644870), no procedemento negociado sen publicidade e con exclusividade tramitado para a contratación do patrocinio deportivo do Campionato Europeo de Ciclocrós 2024. (Expte.- 2024057008).*

Por Resolución Presidencial número 2024007763, de data 7 de outubro de 2024, aprobouse o expediente para a contratación, mediante procedemento negociado sen publicidade e exclusividade, do patrocinio deportivo do Campionato Europeo de Ciclocrós 2024, cun valor máximo estimado de 100.000,00 €, IVE engadido.

Na citada resolución tamén se procedeu a invitar á Federación Galega de Ciclismo (CIF: G36644870), a presentar proposición, no caso de estar interesada, ata as 10:00 horas do día seguinte ao transcurso do prazo de 10 días naturais, contado dende o seguinte á data do envío da invitación a través da Plataforma de Contratación do Sector Público (PCSP), que se produce o día 07/10/2024.

A Federación Galega de Ciclismo (CIF: G36644870) presentou a correspondente proposición, e unha vez examinada a documentación, a empresa resultou admitida no procedemento.

A oferta económica presentada foi a seguinte:

Importe ofertado sen IVE	82.644,63 €
IVE (21 %)	17.355,37 €
Importe ofertado con IVE	100.000,00 €

A Mesa de Contratación queda enterada da oferta presentada pola Federación Galega de Ciclismo (CIF: G36644870), no procedemento negociado sen publicidade e exclusividade tramitado para a contratación do patrocinio deportivo do Campionato Europeo de Ciclocrós 2024.

3. *Apertura electrónica dos sobres “A”, correspondente a documentación administrativa presentada polas empresas interesadas en participar no procedemento restrinxido convocado para a adxudicación do Acordo marco que regulará a contratación do servizo de asistencia, asesoramento, defensa letrada e representación en xuízo da Deputación de Pontevedra e do Consorcio Provincial para a prestación do servizo contra incendios e salvamento, no eido de recursos humanos, emprego público e patrimonio. (Expte.- 2024036049).*



O Secretario da Mesa de Contratación informa que o procedemento restrinxido seguido para a adxudicación do Acordo marco que regulará a contratación do servizo de asistencia, asesoramento, defensa letrada e representación en xuízo da Deputación de Pontevedra e do Consorcio Provincial para a prestación do servizo contra incendios e salvamento, no eido de recursos humanos, emprego público e patrimonio, convocouse mediante anuncio de licitación publicado no *Perfil de Contratación* da Deputación de Pontevedra, integrado na Plataforma de Contratación do Sector Público, con data 1 de outubro de 2024.

Así mesmo, informa que a presentación de solicitudes de participación realizouse mediante a plataforma de Contratación do Sector Público, que xera en cada procedemento de licitación un certificado dixital que se utiliza para cifrar todas as ofertas presentadas polos licitadores. Esta plataforma ten a seguinte dirección electrónica:

<https://contrataciondelestado.es/wps/poc?uri=deeplink:perfilContratante&idBp=M7XB0CBT%2B%2F4QK2TEfXGy%2BA%3D%3D>

O Secretario accede á citada plataforma mediante un ordenador portátil, que poden visualizar os membros da Mesa de Contratación mediante unha pantalla instalada na sala.

O secretario informa que seis empresas presentaron solicitudes de participación neste procedemento na referida plataforma.

A continuación procédese a descargar os arquivos correspondentes aos sobres "A", de solicitudes de participación no procedemento, achegados polas empresas interesadas e que son as seguintes:

- Mardoc Gabinete Jurídico, S.L. (CIF: B05468327),
- Parada y Cotelo, S.L. (CIF: B70464995)
- KPMG Abogados, S.L.P. (CIF: B78503778)
- Pricewaterhousecoopers Tax & Legal, S.L. (CIF: B80909278)
- J & A Garrigues, S.L.P. (CIF: B81709081),
- Ceca Magán Abogados, S.L.P. (CIF: B85313997)

Non producíndose ningunha incidencia digna de apuntar, dáse por terminado o acto as dez horas e doce minutos, e esténdese a presente Acta, que asinan comigo, o Secretario, a Presidenta da Mesa de Contratación.

